

Dragi roditelji,

ova školska godina nas je sve nažalost stavila pred slične izazove kao i protekla - posebno ste Vi kao roditelji ponovo bili primorani da svom djetetu pružite potrebnu podršku prilikom učenja kod kuće. Vaše izvanredno zalaganje nikako nije uzalud!

Mi ćemo kao škola takođe učiniti sve što je potrebno da Vaše dijete nema nikakve nepogodnosti zbog zatvaranja škole. Prošle godine je „Ljetna škola 2020“ bila vrlo uspješan program u okviru kojeg su se djeca mogla pripremiti za novu školsku godinu i steći više sigurnosti kod učenja.

Ljetna škola će se nastaviti i ove godine, a ponuda će se čak proširiti – djeca će sada imati pomoć i iz njemačkog jezika i iz matematike. Imat će nastavu koju će na lokaciji neke škole držati studenti i studentice nastavnčkih studijskih smjerova i pedagozi i pedagoginje.

Preporučujem Vam da Vaše dijete pohađa ljetnu školu koja će se održati tokom posljednje dvije sedmice ljetnog odmora. Ponuda je besplatna, pohađanje nakon prijave međutim obavezno za Vaše dijete.

Prijava za ljetnu školu vrši se pomoću priloženog prijavnog formulara. Molimo da popunite prijavu i da je date svom djetetu da je preda najkasnije do datuma navedenog u formularu.

Vaše dijete će dobiti mjesto na nekoj lokaciji ljetne škole koja je što manje udaljena i na kojoj se najbolje može udovoljiti njegovim individualnim potrebama. Pravovremeno prije završetka školske godine dobit ćete e-mailom obavještenje o lokaciji ljetne škole na kojoj je Vaše dijete prijavljeno za učešće.

Prevoz odn. put do lokacije ljetne škole trebali bi po mogućnosti organizirati sami roditelji odn. staratelji. Ako nemate nikakve mogućnosti prevoza, navedite to u prijavnom formularu.

Vašem djetetu će se pružiti kreativan i zanimljiv nastavni sadržaj tokom ove dvije sedmice – zato ne oklijevajte i prijavite svoje dijete za ljetnu školu. Ako imate bilo kakvih pitanja, slobodno me kontaktirajte.

Osim toga će roditelji ponovo imati priliku da koriste ponudu kurseva za roditelje koje organizira Austrijski integracijski fond (ÖIF), u kojima će moći dobiti važne informacije o školskom sistemu i mogućnostima podrške za svoje dijete. Više informacija o ovoj ponudi još ćete dobiti.

Uz srdačan pozdrav

Vaš/a direktor/ica

[Schulleitung: bitte Name und Anschrift der Schule einfügen]